

JOYCE MEYER

KUC

WUKET PARWU DUCU IKOME

Unless otherwise indicated, all Scripture quotations are taken from
THE AMPLIFIED BIBLE: Old Testament.

Copyright © 1962, 1964 by Zondervan Publishing House
(used by permission); THE KING JAMES VERSION; and from
THE AMPLIFIED NEW TESTAMENT

Copyright © 1958 by the Lockman Foundation
(used by permission).

Copyright © 2014 by Joyce Meyer Ministries – South Africa

All rights reserved. No part of this publication may be reproduced, distributed, or transmitted in any form or by any means, or stored in a database or retrieval system, without the prior written permission of Joyce Meyer Ministries – South Africa.

Joyce Meyer Ministries – South Africa
PO Box 5, Cape Town, 8000

Phone: +27 (0) 21 701 1056
Website: www.joycemeyer.org

Go to tv.joycemeyer.org to watch Joyce's messages in a variety of languages

Peace – Acholi
Not For Resale

LUCIM



<i>LATEL</i>	4
1. I Tye Ka Nongo Mit Pa Kuc?	5
2. Kit Me Nongo Mit Kwo	7
3. Wek Kuc Oteli	9
4. Lukwo Kuci Aye Ngo?	11
5. Pingo Catan Temme Ka Kwalo Kuc-ci?	13
6. Ka Cungu Pa Lakricitayo I Kare Me Atema	17
7. Tim Jami Ducu Inino Ma Ikeme Kwede Keken	21
8. Lega Kelo Kuc	25
Lega Me Nilare	28
Lok I Kom Lacoc	29

LATEL



“...Wuyeny kuc (ribbe kacel; labongo kit lworu mo keken, nyo miti maracu, nyo ikit yo mo keken ma mako kwo) ci wuyeny ki cwinywu duc (Pew u gom agoma ki rcwinywu me bedo ki larem I kinwi ki Lubanga, nyo ki dano luwotwu, ento wuti matek wek wunong larem meno!)”

I Petro 3:11 gigonyo tee ma yot.

A lego ni buk man ma mako kuc-ci okonyi wek I pwony nongo mit ...“kuc pa Lubanga ma kato ngec ducu...”

Jo Pilipi 4:7

1



I TYE KA NONGO MIT PA KUC?

Dano duc ma en latin pa Lubanga ma ginywale tyen me aryo myero obed ki kwo ma opong ki kuc. Yecu owaco 1 Jon 14:27 “Awekki wu kuc, kuc mera amiyo botwu. Amiyo, pe macalo lobo miyo. Cwinywu owek ngabbe angaba, pe wulwor.”

Man obedo gin acoya madit tutwal. Tim ber i kwan tyen mapol ci ikwany karre ma romo dakika abic me lwodo ne wek odony matut i cwinyi.

Me acel, myero waniang ni kuc ma Yecu miyo ni pat ki kwayi kuc mukene duc, pe obedo calo kuc me lobo man. Kit kuc ango kono ma lobo ni miyo? lobo miyo kuc ma rwatte ki kit gin ango ma tye ka timme. Ka kwo yot ma jami weng ber, lobo wacci man obedo kuc.

Ento ka peko nyo can tye ci kuc ma lobo miyoni rweny woko oyot tutwal. Agem cwiny tukki poto woko ikom dano. Kuc ma Yecu miyo kono maro bedo tye cawa duc kadi bed kwo tek nyo yot, nyo kadi bed jami ducu ma i mito tye onyo pe. Kuc-ce bedo mere tye kadi itwon col piny nyo oyengyeng.

Twero bedo ber mada i kit me kom me loboni, ka kwo yot mere cawa ducu. Wangeyo ilok ada ni i kwo me nino ducu man pe timme. Ma

calo dano ma tye ki niye, atemo mada pi mwakki mapol me tie ki niye na me kwanyo ga (jami) duc ma cwinya pe maro ma pe beco. Magi ducu okela twon cwer cwiny ma pe tittle. Keto tek ka kwanyo nyo ka lokko jammi ma pe lokke pol kare kelo cwer cwiny. I kare ma anongo pwony ki bot Lubanga, acakko niang ni myero ati ki niye na ka kweyo cwinya i yo me kuc wek abed ki teko me wot idye kit col piny mo keken ma twagge ki yamo lapiru me kwo. Anongo ni myero a juk catan woko ka kwalo kuc ca woko cawa weng.

Yecu owacco I Jon 14:27 “Cwinywu owek ngabbe angaba, pe wulwor.” Nwoyo kwano gin acoya man wa lwod ma alwodo kwede gin acoya man, okela niang, ni Baibul tye ka tita ni nongo atye ka konye kena omyero agik woko. Ityeng menon bene owaco ni “cwinywu owek ngabbe angaba pe wulwor.”

Yecu otwako lukwena ne i Marako 4:40 pi nok pa niye gi pien i kare ma yamo acako yelo gi i dye nam ma kuc gi weng orweny woko. Yecu kono mere pe orweny kuc-ce. En onongo onino mere woko iyeya. Lukwena ne mere kono onongo komgi myel amyela ki lworo.

In kono? Ka onongo i bedo ngat acel i kin jo man onongo itwero bedo karacel ki Yecu labongo lworo? Ka ce i pe ki kuc tere ni pe itye ka nongo mit pa kwo.

2



KIT ME NONGO MIT KWO

Ka ce gicwali gin mo nyo lok mo me konyi labongo lacim nyo lanyut ma romo konyi iyo me nongo ne meno bene nongo konye peke. Me waco ni imito kuc obed layit me acel. Ento labongo nywako yo kit me nongo kuc meno nongo konye bene peke. Tye gin acel ma okonya tutwal me weko a cako bedo ki kwo me kuc.

Aniang ni konye peke doki kelo balo kare me “bedo ka temo timo gin mo ma pe itye ki twero me yubo” in bene itye ka temo yo meno? I tye ka balo kareni ka temo timo gin ma pe itwero? Lubanga tye ki kare me jami weng. Myero i kur cawa ne.

I lok ada, pe itwero weko jami timme ma nongo kare ne peya oromo kadi bed itimo gin mo ma kare ne peya oromo ci pe ibibedo ki yomcwiny iye. Pwonye me neno bot bot Lubanga. Man bikelle deyo, dok bene keli kuc.

Itye ka temo timo gin ma pe twere? Itye ka temo loko kit dano ma i ngeti? Nyo ngat ma inyome kwede bo, kede nyo lutino ni mo, nyo laremi, nyo watti mo ba? Dano pe twero loko kit dano. Lubanga kene aye ma twero donyo i cwiny dano ci weko en twero bedo ki cwiny ni elokke. Ka wa diyo dano ki woko kany kun nongo waketo kit cik mogo i komgi, ci nongo watye ka kwalo kuc gi woko. Wan

pe gicweyo wa me bedo ite loc nyo cik. Dano mito loc-ken. Gimito karegi pigi me wot iye.

Atemo diyo Dave me weko tuko golf (nyo odilo ma gigoyo i bar maleng i kin yadi ma boco ni) pi mwaki mapol me bedo i otwa. Onongo awinyo ni dok oketo cwinye iye tutwal, onongo amito ni wabed karacel cawa weng. Atemo yo ducu ma atwero. Atiyo ki ryeko ducu. Kiniga omaka akeco mada. Atemo ni wek en oniang. Acako ling labongo lok. Ento pe otiyo. Adoko lwor woko. Kicel-kicel nongo loko tamme ci pe tuko pi kare manok. Gin me awura madit en aye ni kadi bed anongo gin me amito, pe bene abedo iye ki yom cwiny. Pe abedo ki kuc acel pien anongo iyo ma pe oporre. Ka itye ka diyo ngat mo ka loko kwone, bikwalo kuci woko.

Cwinyi tye ka poto pien inongo ni pe itye kama myero ibed iye malo i kwo ni ki Lubanga i cwinyi? Itye ka temo loko kiti? Myero i winye ki cwiny maleng ma mako tic ma en tye ka tiyo ne i kwoni. Tye ka keli kama opore nyo i teggi. Pe itwero timo man in keni. Man obedo yo mukene me temo timo gin ma pe itwero.

Angeyo ni i neno ni man yo ma jwii me temo weko jami ma pe imarogi wek olokke kit ma imaro. Bed ki lok ada icawa manok itye ki twero me loko jami magi ada?

Pe itye ka medo cwercwinyi ameda me bedo labongo kuc kun itwero keto genni i kom Lubanga, manongo igenne ni en tye ki cawa ne, kun, i keto wangi i kome pi dano ma gitye i kwo ni wa kwo ni kekeni bene?

Wek adol tere kit man kun awaci. Ka itye “Katemo timo gin mo mamako gin ma pe I twero loko ne,” cwercwiny obineki ci weko ibikeng bedo ki kuc.

3



WEK KUC OTELI

Jo kolocai 3:15 waco ni: Wuwek kuc pa Kricito ma yam olwongowu i kom acel aye oloo cwinywu, ka wek dong wubed jo ma miyo pwoc kare ducu.

Langol tuku me odilo aye ngolo ka itye i dye bar nyo woko. Kuc aye langol tuku ma ngolo gin ango ma myero obedi i kwoni onyo woko.

Jo mapol pe ginongo mit me kuc pien pe gilubo miti pa Lubanga. Gin gilubo mitigi me kakar miti pa Lubanga. Gitimo gin ma gimito nyo gin ma gitamo ni atir me ka lubo lok pa Lubanga ki me weko kuc otelgi. Pol kare gin mo bino ma amito ni atim. Winye maber, nen ber, dok bene twero bedo gin maber. Ento, ka pe atye ki yomcwiny iye, apwonye me weko ne obedi. Wek kuc oteli. Pe iwil gin mo tutwalle ma wele tek kace pe me mini yomcwiny. Kadi bed nongo imito marom mene, cwinyi bi wang ka ikwero tela pa cwiny maleng.

I kare mogo gilwonga ka pwony ma omyero bene acit atim, ento cwinya nongo pe yom pire. Pe angeyo pingo ento kuc ma omyero anong ki i iye nongo peke. Ci dong apwonye ni ka ayero me cito ka lok; cit yen lok ma titto ni pingo myero alob tam pi kuc, dong cako kati.

Yub acel ma wiya poo iye en aye ma onongo pud acako wot acaka. Yub me cito ka pwony i kabedo mapatpat onongo pud nok tutwal. Ilok ada onongo pe amito keng yub mo keken. Anongo lwongo me cito i Kanica mo acel i Texas. Pire obedo mit tutwal bota icawa meno. Atugi ye woko icawa meno. Inge cabit manok acako bedo ki par ikom tamo pire. Par man odoko tek mada. Cwinya obedo angaba ka tamo pi cito kunu, ento Lubanga pe owaca pingo abedo ka winyo kumeno. Akuro kwe. Ingeye, aniang ni myero ago cim we alegi me kwanyo nyinga woko ki i yub man. Awaccigi ni ka pe gunongo ngat mo me leyo kakara ci abicito i ento pi telok mo ma pe angeyo, cwinya nongo pe kacito kunu. Gukwanya woko ki i yub man.

Inge cabit manok anongo ni Kanica wa onongo bene tye ki yub me dyero ot manyen magi yubo i ceng meno kikome ma onongo myero acit kwede ni. An aye nongo abedo lalub kor lakwat madit pi kare malac i Kanica meno ma peya ayabo Kanica na. Kun onongo pire tek mada pi an me bedo tye i yub man.

Pingo Lubanga pe otuki waca woko ngo ma onongo tye katime? Pi ngo ma pe angeyo, en oyero pe me waca. Lokke waco ni kuc aye myero otelwa. Pol kare meno aye yo ma en mini wek inge ka itye “I bar” nyo “woko” me mit ne. lacen itwero niang pingo-ne, nyo pe inang matwal.

Pe ibibedo ki yomcwiny ka pe ilubo telane pien ilubo miti ni.

4



LUKWO KUCI AYE NGO?

Tye jami mogo ma nyweno wi dano acelacel. Catan tye yenyo yo duc me niang yo ni. Itwero nongo ni niango kwoni loyo in. En ngeyo ngo ma yelowi. Myero inge ngo ma yelo wi, ka igwokke i kare meno wek pe ibed ma cwinyi ongape.

“Lukwo kuc” pa dano pe rom. Tye ga mogo ma yelo wiya ento pe yelo wi Dave wa ki acel. Me lanyut, an amaro kama oling, ento woo mo keken pe yelo wiye. En kwano bukke kadi bed ni i kin anyira wa ni, ngat acel nongo oketo radio ne kalok matek kun nongo bene wodwa me mwaka abungwen nongo tye ka tuku ki gwok ki woo madwong.

Pe amito gin ma ruya, pe bene amito o lacen. Kine mogo Dave temo timo jami madwongo icawa manok. I agikine nongo myero warune adada. Man gin ma catan ngeyo ma maka; ci tiyo kwede me demo cwinya. Dave mito ni ka wabicitu ka wot ma nyero wait dege ci nongo myero wa o I bar dege ma nongo pud wa dong cawa acel me cako wot. Mito ni oo i bar odilo ne con ka ce nongo obituku. Ka catan onongo yo me galle mamako lok aryo magi, ci cwiny Dave pe bedo yom.

Wan pe warom. Pi man catan tiyo ki diro ne mapapat i komwa. Be maryek i loye woko. Yenyo yo ducu me cwero cwinyi. Lukwo kuc ngo?” coo gi piny wek wulok i ki jo gangwu. Niang gin ma cwero

cwiny-gi, ci wuteme ki tekwu pe me timo ne.

Dave obedo latuk golf me ada. An atuku mere ento pol kare amaro nyero anyera cawa weng. Ento angeyo nip e myero pea time kit man ka atye katuko wan ki Dave nyo me nyere kace ogoyo odilo marac. Wa tuku ki yomcwiny ento myero atim gin ma pe cwero cwinye. Pe tye niang i timo gin ma kelo akemo i cwiny ngat mo. Ka ibedo ki ngat mo kare malac, i bedo ki ngec ma mako kwon e kagoro ne wa megi bene. Anwoyo doki ni, “Teme me konye wunu kenwu wek pe wundony i peko.”

Dave konya i yo me goro na. en teme me weko woo bed pe kace atye kakwan nyo ka yweyo. En cuku cwinya me yweyo ki gin ma yomo iya pien ngeyo ni ka aol tutwal, catan kwalo kucca woko. Jo Galatia 6:2 waconi, wuting peko pa luwotwu... “Myero wating peko pa luwotwa, kun nongo wangeyo ni wan bene watye kwede mapol ci waleg pi luwotwa.”

5



PINGO CATAN TEMME KA KWALO KUC-CI?

Wangeyo ni yomcwiny ribo wa ki cwiny maleng. Yo mapat me waco ne aye ni cwiny maleng tiyo kama kuc tye iye. Teko tye i kuc. Aye ni en aye oweko Jon 14:27 waco ni lanen wa ki bot Yecu en aye kuc. Yecu owaco ni, "...kuc mera amiyo botwu..." tere ni, en mitine botwa aye kuc.

Ka itye ki peko mo ci ka catan pe tye ki yo me weko ikek iye nyo cwinyi obed ma odem iye ci nongo en peke ki twero ikomi. Teko ni tye I bedo mot, ki kuc ki cwiny me gen. teko pa catan tye i kelo lworu i cwinyi.

Kace i nen inongo ni peko mo opoto i komi, gin ma myero itim en aye me bedo labongo lworu. Pe i pot i cing catan pi lworu. En ticce mere tye me weko i bed ma lwor. Pol kare bal me acel ma dano timo en aye me cako pwodo lok ata ma weko catan medo lyeto mac ma en ocako ni.

Yakobo 3:5,6 (iyo ma cek) leb dano obedo tidi ento twero cako mac madit. Leb rom ki lobo me bal madwong ma tye i dul komwa ma balo komwa woko dok mac me geena moko I kome. Gin acoya man nyutti

ni catan mito ni ebal wi woko wek i pwod lok ata wek omine ka cungu me loyo kwo ni. Po ni catan balo cwinyi wek imok i owicce.

Itwero niang kit ma catan tiyo kwede i ceng cabit i yub-bi me cito ka lega kit ma weko i galle kwede, pien jami me atima doko pol ata, nyo i nino me pwoonyo Baibul. Pi mwaka mapol ceng cabit odiko weng bedo nino ma pe iniang iye.

Pe tye cabit mo ma wacito ka lega labongo ngat mo i ot wa me bedo ki daa, ci nongo wan weng wakeco.

I Ceng Cabit odiko aye inongo ni gin mo orweny, oony nyo otyer ma kato nino mukene ducu. Nino mukene ducu nongo ayela peke i kin litinowa, ento i ceng cabit odiko weng no wor, lweny caka iye. Ka wor i ot odoko pol ci wiya gwenye woko (pien an pe amaro wor).

I ngeye, acako daa. Dave pe maro daa, ka owaca ni wek daa, ci miyo akemo maka woko. Litino gi cako koko pien nongo watye ka daa wan ki Dave.

Ma nongo jami magi tye katimme, gwok kwanyo waa tung cel ci cako ngwec kwede, ci acako “dange wek walar cawa!” atamo ni inang ngo ma timme I gangwa.

I kare ma aneno Yakobo 3:18, ci aniang ping woo man onongo timme ka wamito cito ka winyo lok ma I gin acoya. Gin acoya man waconi, “Jo ma kit gi atir,” (maleng) “(nyig kodi gi ma gikayo) aye kuc me nyako kig ma atir.”

Nyo, ka imito ni lok pa Lubanga odony matut wek onyak nyige maber I kwo ni, myero ngat ma lkel kuc I kin dano aye ma opwoony. Dok bene myero wabed ki cwiny me kuc wek wawiny gin acoya maber.

Tam pi kwo ni kekeni, tyen adi ma Larac teme me kelo akemo I cwinyi ma peya I cito ka winyo pwoony I ganga lega? Myero I gwokke mada

ki yo ne, wek pe ipot icinge.

2 Jo Korint 2:11 waco ni “wan pe wakwiya tam” pa catan “ryekone ki owicce.” Catan tiyo ki ryekone me bwolowa wek warweny woko. Myero wabed ryek ma loye.

1 Petero 5:8 waco ni, wugwokke, waki piny, pien lakworwu catan tye ka wirre macalo labwor ma kok, kun yenyu dano me amwoda.

Pe iwek obed in! bed ma igwokke. Cawa duc ma inongo kiniga ocalo maki, cung ci I penye keni lapeny magi; “ngo ma catan tye ka temo timo? Ka ce aweko lok man ocwero iya, adwogi ne bibedo ngo?”

Jo Epeco 4:26,27 bene obedo gin acoya ma pire tek mada ma pwnyonyo pe me miyo ki catan ka cungu mo i kwo wa iyo me keco. Tyeng 26 waco ni, ceng pe myero opoti ma nongo pud ijul ma itye ki kiniga i cwinywi. “Tere ni wek julu kubedi.”

Tyeng 27 waco ni, dok bene pe wumi kare ki catan. Ka ijul, yomcwiny rweny woko. Ka I rweny yomcwiny ci teko ni tum woko. Nekemia 8:10 waco ni, “...Yomcwiny pa Rwot en aye tekowu.” “Lacoc me Jabuli, Daudi, I Jabuli 42:5 loko ki cwinye kekene ni, “pingo cwinya pototo dok abedo ki cwerwiny?” Icaya 30:15 waco ni, “ka wubedo mot ki gen, wubinongo teko...” Waneno dok odoco ni catan mito cwinywa ocwer wek warweny teko wa woko.

Anongo pwnyonyo ki bot cwiny maleng ni en tiyo kama kuc tye iye. Cwiny, maleng pe tiyo i anyobanyoba. Catan tiyo i anyobanyoba, ento cwiny maleng tiyo I kuc. Wek kuc obed i gangi, i tici, i Gang Legawu nyo i tic pa Lubanga ma itiyo. Ka itimo kit meno, ci ibibedo ka woro lok pa Lubanga ki cwiny pa Lubanga. Ibikayo nyig yat ma a ki i winy ma itye kwede.

Po ni Yecu ocwalo jo pyerabiro woko jo aryo aryo me tiyo tic madito adada; ryemo cen, cango lutwo ki ka tucu jiri. En owaco igi-ni gucit i boma madit, ka gudonyo ot, gulok kuc ci gubed kunu. Ci ka pe

gijologi (ki kuc), guteng apua tyengi wek gumedde ki wot anyim (Luka 10:1-11, 17) pingo? Te ticgi bedo pe labongo kuc.

Atamo ni dong itye ka cako niang lok ango ma Buk man tye ka kelo. Teme ki teki ducu jwijwi wek I gwoke keni me bedo ki kuc cawa duc.

I Luka 22:46 Yecu pwonyo wa me lego wek pe wadony i abita. En owaco ki lupwonye / lukwena ne ni... “wua, wuleg wek pe wudony i abita mo.” Pe i bed ka gene kekeni ki teki me lweny ki catan. Wuleg nino duc wek Lubanga omedde ki miyo kicane me lweny ki catan ka tye ka kwalo kuci. Leg Rwot wek omeddi teko ma twero konyi.

Po ni Jon 15:5 waconi, “labongo an... pe wutwero timo gin mo.” Pe iteme me timo ne ki teki keni! Leg kony. I twero jami ducu liweng pi Kricito ma miyi tek (Jo Pilipi 4:13) ento pe itim gin mo ki twero ni piri keni. Jon 5:30. kadi Yecu bene owaconi en pe etimo gin mo ki tekke kene. Myero I bed ki cwiny me mwolo ka imito ni Lubanga okonyi 1 Petero 5:5 waconi, “...Lubanga pyem ki jo ma wakke, ento miyo kica bot jo ma mwol.”

Wek watwee tere kit man ni catan mito kwalo kuci woko wek bene ekwal wa tekoni ducu. En mito ni i bed labongo teko wa twero bene, ento ajingo cwinyi kitman ni “...bed tek i Rwot ki twero me tekone” (Jo epeco 6:10). Bed ki kuc!

6



KA CUNGU PA LAKRICITAYO I KARE ME ATEMA

Jo Epeco 6:13 waco ni, "...pud wubicung ma nongo dong wuyelle i kit yo ducu. Ka cungu ni aye mene?" Jo Epeco 2:6 pwonyo ni kacungu wa tye i Kricito. Te lok cungu ginongo ki I kom leb Jo Greek histemi.¹ Ma te lokke ni "bedo i kom." I leb Greek lok me bedo ikom nonge I Jon 15:7 ma gin jog reek gi lwongo ni meno, ma te lokke ni "cungu"² Leb man ni meno (Jo Greek ni) cawa mukene gigonyo tere ni cungu.³ Yecu owaco ni, "ka wubedo i an, kun lokka bedo i wun, ci wuleg gin ducu ma wumito, gibitimo piwu." (Jon 15:7) ka bedo i Rwot aye kacungu me tekko.

Ibru 4 waco ni ka ijuku tutte ni, kun nongo itye ka yelle ki niyee waki woro, ka donyo bot Lubanga, ci ibidonyo i kuc.

I kare me atema tema, tim gin ma Lubanga telo wii ni myero itim, ci ibed ki woro kun nongo inyiko bot Kricito ka inen dong gin ma

¹ James strong "Greek Dictionary of the New Testament" Strongs Exhaustive Concordance of the Bible (Abingdon, Nashville 1890) P38, entry # 2476

² Strong Concordance, "Greek" P47, # 3306

³ W.E Vine, An Expository Dictionary of New Testament Words (Old Tappan: Fleming H.Revell, 1940), vol IV, pp. 70, 71.

en timo piri. Baibul Nia 14:13 tito ni “pe wulwor, wucung matek, ci wubineno kit ma Rwot bilaro wu kwede tin.”

Lok magi ducu, bed ki woro, yweyo, cung matek, I Kricito ducu waco gin acel ma pire tek... pe irweny kucci. Baibul Pilipi 1:28 obedo pwony ma pire tek adada ma kelo lok ma kit man maleng dok bene ma winye: “Pe wuwek lukwor – wu gumi botwu lworu i gin mo. Man aye lanyut ma cimo botgi kamaleng ni gibirwenyo woko matwal, ento lanyut man nyutu ni gibilarowu: meno gire gin ma aa ki bot Lubanga.”

Pwony ma i Baibul man tito ni, ka gilwenyo i komi, ci bed mot ki kuc. Man tyen lokke ni ingayo wang catan woko, pien en pe bingeyo gin ma myero otim ki in, ka ce oneno ni cwinyi pe romo cwer. Man bene nyuttu ni i tye bot Lubanga pien bedo ki kuc wa ki bedo mot aye rom ki tic ma itimo ki niyee mupong i cwinyi; pien Baibul Ibru waco ni jo ma gilaro bot Lubanga aye ma gitye ki niyee. Mede ka bedo ki kuc i kwo ni kun nongo Rwot Lacwec tye ka tic i kom koko ni. Jo mukene gitamo kilong ni ka ce itye i peko, nongo pe iromo nongo kare me bedo ki yomcwiny bene; pien ada ka pe iromo timo gin mo i kwo ni, ci myero ibed ki cwercwiny. An bene yam abedo ka tamo kit kwo eni, tutwalle i kare ma an, kacel ki cwara Dave, ma onongo watye i atema-tema ki peko madwong ci pud wanongo ni Dave onongo cwinye yom; ento an nongo cwinya wang i kome ka atye ka neno ni, en pet ye ka neno canne na ni.

Peko wa onongo lok kom lim: En cwara onongo tye ki cwiny pa Lacwec, ma waco ni wacit wamii tyer bot Lubanga, kun nongo watye ka neno nyo tic i kom miti wa mukene. Baibul Petero me acel 5:7 waco ni: “Wuket parwu ducu i kome, pien en tamo piwu.”

Baibul Pilipi 4:19 kono waco ni: Pingo apar kono pire? Par pe twero kelo lim mo botwa. Pe time matwal.” Man aye kwo pa cwara Dave. I kare ma Rwot Lacwec pud tye ka tic i kom peko wa ma wacwalo bote, Dave mere iye yom ata. An ki bota kono awaco ni, “angeyo meno mere Dave, ento myero pe ibed ma pe itimo gin mo.” Onongo amito

bene ni en myero otim gin mo. Dave dong gamo bota ni “Kakare, Joyce, imito dong atim ngo?”

Awaco boteni: mak lega do! En gamo ni: “Eyo alego bot Lubanga ni myero otim gin mo i kom pekowa ni. Apenyo en ka ce en bene mito ni atim gin mo. En pe otitta gin mo, ci pe aneno pingo myero abed ki cwer cwiny.”

An angeyo atir ni Dave onongo tye kakare, ento an apong ki cwiny ni ka atye i peko, myero pe abed ki yomcwiny mo. Wabedo kit meno pi mwaka mapol. Kare ducu ka ce I nen Dave tye i peko, en lego alega, dok bene nongo bedo i kuc ma cwinye opye; ento an nongo alego kun nongo atye ki par madwong. Ci nongo anen calo ngat ma tye ka kumu akuma. Dave nongo mere cwinye yom ata. Ento Lacwec nongo wang ma okonyo wa lacen; dok bene nongo wacobo miti wa. Apwoyo Lubanga; lacen aniang ni kara ka abedo ka kumu, ci pe konyo an matwal; dok bene medo nino ma Lubanga onongo myero omii botwa mic ni, doko mabor. Man dong kombedi alimo kuc kadi ka piny mogo maracu calo lapiru opot woko atura. (Marako 4:37-40).

Yecu owaco ni: iwilobo ibinongo peko, ento bed ki yomcwiny, pien abwoyo lobo woko. (Jon 16:33b).

Baibul bene waco ni atema-tema wang ma obedo tye, ento gimiyi botwa tam ni pe wadony wunu i kit atema tema mo keken, kit ma wa twero nongo ne i (Luka 8:13; Jo Korint me acel 10:13; Yakobo 1:12). Lok ma atye ka titone en ayeni, peko ma yelo wic, i kom gin mogo ma myero watii i komgi, wang ma obedo I kwo wa, ento wan watwero tayo gi woko ka walego bot Kricito Yecu (Roma 8:37).

Wan pe wabedo jo ma yam kong gutayo peko, ento watye jo ma giromo lweny i kom peko mo keken ma kombedi tye ka yelo wiwa. Pe iromo oo ka ma dong onongo ityeko tayo peko mogo ma gubedo ka yelo wii, ento i twero bedo ki gen me lweny i kom peko mo keken tek i keto cwiny me ada i kom Kricito. Ci jwii nongo itye ka lweny

ikom peko mo keken! Wang ma ioo i kabedo mo ma Paulo oloko pire i Pilipi 4:11,12. En owaconi: en epwonye me bedo ngat ma tye ki kuc kadi bed ni erwenyo woro woko ki i kome, nyo etye ki jami madwong. Peko ma patpat ma pe tum. Wii myero opoo i tam man: Ka ce inen catan tye ki twero ikomi i kit peko mo keken ma itye iye, ci nongo, dong itye i te lwete kare ducu. In itwero wot i te loci tek ineno ni itye i kuc, ento pe iwek Catan o loo wiir.

7



TIM JAMI DUCU ININO MA IKEME KWEDE KEKEN

Yoo ma iromo rwenyo kwede kucci, en aye me paro pi diki. Matayo 6:34 waco ni: “Pe i bed ka tamo nyo ka paro pi diki, pien diki tye ki tam nyo par ma bene tye pire kene, nyo (Tam ki par ma oromo kom nino ma diki woko).”

Pol wan dano watye ki jami me atima nyo apara ma oromo Labongo paro pi diki kong. Lubanga obimiyo boti mic tin, ento pe romo miini mic pi diki i nino ma tin ni, wang ma i oo inino ma diki.

Ci dong pol dano giparo pi gin ma anyim ma nongo pud pe ya otime. Lok man ni “Ka kono” en aye ayela. Ka ibedo kawinyo lok man ni “Ka kono” ma gwenye i Adam wii, ci myero igwokke matek. Pien nen calo gimito cwalo wii ka par. Jo mukene gibedo ki tam nyo par madwong ma twero lokke doko lworu, pien gin ma dano lworu polle bino i wiigi. Myero wangee ni watwero gamo ki bot Lubanga gigu ma wamito ka watye ki niyee. Watwero kono gamo ki bot catan ka ce watye ki lworu.

Pe iyee lworu omak in pi diki. Ento myero ingee ni Lubanga tye ki cwak ikomi. Gin ma tye pi diki, en gwoko nyo tiyo ikome bene wa

diki. Watwero bedo ki ur matek ka waneno ni watyeko gin ma wamito i nying Kricito ka wakwo pi nino acel acel Labongo paro pi diki.

An apwonyo kit kwo eni i kare ma acako pwony i Baibul “College.” Nyo gang kwan ma gipwonyo iye Baibul. Abedo ka pwony gicel i cabit acel i kare ma onongo pud atye ma calo ngat ma nywako pwony kacel ki latuc jiri. Atye bene ki lutino angwen ki tic maber ma agamo iye mucara madit, i kare ma dong onongo acako pwony gidek i cabit acel. Acako dong bedo ki miti me pwonyo lok pa Lubanga ma kato timo jami mukene-gu ducu, ci kare dong ononge bota, me pwonyo Baibul wang gidek i nyim dano.

Ci i kare ma atye ka pwony, myero akwan Baibul matut dok bene ayubbe, ma tyen lokke ni kwedo tyen lok pa Lubanga matut adada. Man myero atim ki wang otyeno imwaka mukwongo, pien i dyeceng, nongo myero acit ka tic ma agamo iye mucara. Pe aneno kong kit ma onongo atwero timo ne kwede, ento alwodo pira kena ni Lubanga mito ni atim tic man.

Inge lega matek wa ki tam, ci akati woko ka timo jami ma onongo myero pe atim pi en. Gin ma Lubanga onongo obedo ka waco ne i wiya en aye: “Tim jami inino acel acel ma i oo iye, ci ibitwero ka cobogi.” Ka awaco ni acak tamo pi diki ci adonyo i ayela cut, pien atye ka neno gin ma anyim ma pud pe ya atwero timogi. Ci kun i nino acel acel, myero akeme ki gin ma omyero atim i nino meno, oweko jami tye ka wot kakare. Lubanga omiyo bota mic, ento wang ma ka kare ne oromo ma amito iye.

Imwaka me aryo ne, onongo dong atye ki kkaratac ma anyubu pwony iye, ma oweko dong pe abedo ka kwan matut ki ma abedo ka timo ne i mwaka me acelli.

Tye lok aryo ma Rwot Lacwec openya ni myero atim, ma pat ki pwonyo lutino kwan ki lok pa Lubanga.

Me acel en aye me nongo ngec matut ki i kom tic ma atye ka timogi

kare ducu,ka ce, ki mic pa Lacwec, myero wabed ka kwo i nino acel-acel ma oruu, labongo paro pi diki nyo anyim.

Ki dong me aryo ne en aye me pwoonyo kwo gicel i nino acel-acel ma kato. Kombedi dong atye ka pwoony jwii, kit ma dong cwara Dave kacel ki an, wawoto ka pwoony i kabedo mapat pat kun nongo wamede ki “Kwo wa i lok pa Lubanga” I kacoke me pacowa kacel ki luyee. Lubanga ber, dok bene yoo ne kare ducu tye ma atir, dok bene mulony.

Lok mukene ma myero wanen ma lubbe ki ma watyeko dong lok pire ni, en aye pi paro pi gin mogo maracu ma gutime laworo. Wan ducu watwero timo bal. Eyo, awaco ni “Wan ducu watwero timo bal” kadi wa jo mogo ma iromo tamo ni pe giromo timo bal, bene gitimo bal.

Baibul Galatia 6:5 waco ni wan ducu watye ki yec me bal matino tino, ma bene tye ka diyo wa. Wan ducu watimo nyo wawaco jami mogo ma onongo myero pe watim nyo wawac gi. Ka gin moni dong otime, nongo otime. Pe gibed ka paro pi gin ma dong otyeko kato.

Apwoonye bene dong ni ma ka rwenyo ku c ma i cwinya pi gin ma atimo, ma pe atwero timo gin mo iye dong kombedi, twora ma abedo ki cwiny me ada i kom Lubanga wek jami ducu owot maber dong. Lubanga twero dok en bene ma twero lwokko balwa.

Ikare mukene ,awaco gin mogo ma onongo myero pe awac gi. Ma ka paro ka gwok nyo acwero cwiny ngat mo, nyo aweko odoko calo lapoya ki akemo, apenyo Lubanga wek gungee ni adunu na onongo tye maleng, kadi bed ni onong rom ma “Alutu tyena wa i doge.” Cwinya tye ki lok ada i kom Lubanga ni en myero olok cwinygi, wek pe gunene an i yoo marac. Ka itimo kumeno, ci pe dong myero abed ki par, nyo ki lewic ka ce aneno gin.

Wan pol kare wabedo ka paro pi jami mogo ma watimo. An kacel ki cwara Dave wa maro cam woko i kabedo mapat pat, pien tic wa

tye madwong. I kare mukene wadonyo i kabedo mogo ma cam ma giyubu, wa ki luticce nongo pe beco. Watwero aa ki akemo kun nongo cwinywa tye ka wang ni meno pingo wadonyo kunu, ka ma jone gikwiya tic?

Lubanga bene onyutu botwa ni kadi wa gin maracu ma wayero gi, calo yero ka ot cam marac ma wadonyo iye ni, bene kwalo kuc mo woko ki botwa.

Myero i nen ni i camo kucci. Pe item timo gin mo i kom gin mo ma pe itwero larone. Ka dong inen ni icito ka moni, ki bene dong iculu banya ne woko, par man ni pingo icito kunu ni, dong pe twero kelo alokaloka mo, ikom gin ma dong otyeko time woko. Walok dong kit gin ma otime eni, wek otime ma konyo wa.

Kombedi dong iwac ni, “Kong dong itam i kom dano ducu ma bene gicito en i kabedo (Me cam) acelli, kit ma pe gibikom yeng ki tic wa ki cam mma i ot cam ca ni. Wan pe dong watye ki gum! Kombedi dong watyeko niang ni meno pe kabedo ma myero wacit iye. Pe dong wabibalo kare wa ki lim wa matwal kunu doki.”

An aketo coc mo i kor ot wa ma kwanne kit man: Ka itemo ka kwo i kare mukato anged, ci kwo doko tek boti. Yecu pe owaco ni En aye “Oteka madit i kare mukato anged onongo.” Yecu pe owaco ni “Abibedo oteka.” Ento tek itiyi i kom nino acel acel ma bino, ci kwo ni twero bedo kakare.

Yecu owaco ni “An en.” Jon 8:58. En tye kwedi i kwo ni ducu ma itye ka kato ki iye.

Myero wii opoo me bedo ki cwiny me ada wek ocwal boti mic ma oromo piri pi nino ma tin ni.

8



LEGA KELO KUC

Pilipi 4:6-7 waco ni: “Pe wubed ki par i kom gin mo, ento i lok ducu wumii Lubanga ongee gin ma wumito i lega ki i bako dogwu kacel ki miyo pwoc. Man bimiyo kuc pa Lubanga ma kato anגע pa jo ducu gwoko cwinywu ki tamwu maber i Kricito Yecu.”

Kuc ma kato niang en aye gin ma pire tek, ma myero wakat ki iye. Ka ikare ma nongo cwinyi cwer, nyo lworu omaki, ka i tye i ayella ma keli par, kun nongo itye ki kuc ma pe iniang tyene, man nongo bedo twon ur madit.

Wilobo kulu rom ma tye ka “Butu kec” pi kuc ma kit eni. Pe itwero wilone dok bene pe twero cattie. Man obedo mic me nono ki bot Yecu. Twero bedo meri ka ce iye en ma calo Rwot dok bene lalar, ki bene ka wapwonyo gin ma en otito pirgi botwa. Lega me bedo ki cwiny matir en aye lega ma pire tek ma twero kwanyo pekowa ki i komwa, ka cwalo bot Yecu.

Baibul pa Petero mukwongo 5:7 waco ni “Wuket parwu ducu i kome, pien en tamo piwu.” Man eni obedo twero ma gimiyu: Ma Lukricitayo mapol pe gitiyo kwede kadi bed ni tye pi gin.

In mono tika i camo kuc ma obino pien ni ibolo kwo ni ducu icing

Rwot Lacwec? Ka wawaco ni ibolo kwo ni i cing Lacwec tyen lokke ni itimo ki miti ni en myero ogwok kwo ni. Kacce pud pe ya itimo man, ci cak lega matek pi oyot. Cwalo koko ni ducu bot Lubanga ma gwoko in ki mar madit. Tim man pi oyot ka ce cwiny maleng onyutu ni itye ki par, nyo ni kucci orweny woko.

Catan mito ni in myero ibed ki par. Petero 5:9 waco ni, “Wucung matek i nyime pi niyee kun wungeyo ni, wutmegiwu ma gitye i lobo ducu gitye ka ciro kit can ma calo meno.”

Man dong tyen lokke ni, myero ikwer tam, lok ki tic pa Catan wa ki i Acakki ne. Pe i kur ni kong en (Catan) myero kong otii i komi pi kare mo. Ka itamo ni ibed ka kuru ne, ci ibinongo ni Catan twero rwakko lwitte woko matek liking ikomi. Twero bedo tek mere me bwot ki i cinge wek ibed agonya; ento ka ineno ni imito cako par, ci kwer bedo ki par woko cut. Lokke bot Lacwec, ka bene i lok kit ma tammi myero obed ka lwodo kwo mapat ki mogo ma onongo ocalo kelo par boti ni.

Ikare ma onongo atye ka pwonyo miino kwo na weng bot Lubanga ki bene bwoto par, onongo angeyo ni tamma pe onongo tye atir.

Atemo kong nino ducu goyo cal iwanga kit ma myero acwal kwede peko na bot Rwot Lacwec, ento par ducu dwogo cen i wiya.

Anongo ni ramkop dong ongayo wanga woko i jami ducu. Awaco dong bot Lubanga ni “Twero time ningning bot ngat mo ma nongo pe twero tamo pi gin mo keken?” Ento ineno ba! Ka ce imito ni pe i par pi gin mo, ci dong pe itam pi peko mogo ma tye ka diyo in. Ka ikare ma dong imito tamo pire wek omii boti, kit ma myero icob kwede peko moni ni, ci myero itam matir ento pe olungtuke. Itwero niang matir gin ma tye ka yeco wii pi peko ma tye ka yeli iyoo matir, ento pe kilong. An pud atwero poo maber ngo ma Yecu owacca i kare ma apenye, “An pe atwero tamo pi peko ma yela eni mono ning ning?” En ogamo bota ni “Yot tutwal, Joyce. Cak kong tamo pi gin mukene.” Ineno ba! Pe itwero tam i kom peko ma yeli ni ka ce itye ka tam i kom

lok ma pe peko.

Pilipi 4:6 Kit ma waneno kwede malo ni, myero pe wabed ki par, ento wamar wunu lega matek aye. Ka Pilipi 4:7 Kono waco ni ka ilego alega, ci ibinongo kuc ma obikato niang pa dano woko.

Ka Pilip 4:8 Kono waco ni “Me agikkine utmega, wuket tamwu i kom lok ma calo magi: Gin ducu ma tye ada; gin ducu ma romo awora, gin ducu ma tye atir, gin ducu maleng, gin ducu ma mwonya, gin ducu ma dano pwoyo, ki gin mo maber ma kato, ma myero apaka.”

Kombedi dong alego ni Lubanga obimiyo boti mic, ki twero pa cwiny maleng, wek waket jami magi ducu i tic wek inong gum me kwo ki kuc i lobo.

Alego bene ni wonwa bibedo agonya kwedi pi tic ki in pi nongo woro ki yaro gum me Ker mere.

LEGA ME NILARE



Lubanga mari dok mito ni ebed kiwat macok kwedi.

Ka onongo pwod peya ijolo Yecu Kristo macalo Rwoti ki Larlar ni, itwero timo ne kombedi.

Yab cwinyi bote cii ileg lega eni...

“Wora, angeyo ni an abalo boti. Alegi ni itima kica. Lwok an maleng, dong acike me geno Yecu, mawodi.

Aye ni en oto pi an- en otingo bala ikome, ikare ma en oto ikom yataria. Dong aye ni en ocer ki ilyel.

Dong amiyo kwona bot yecu kombedi. Apwoyi wora, pi mot me kica ki me kwo ma pe tum ma dong imina. Dong Ikonya wek akwo kwo pi in, Inying Yecu, Amen.”

Kit ma dong ilego ki icwinyi ni, Lubanga dong ojoli, olonyi, ki dong ogonyi ki itwec me cwinyi me too. Dong kwany kare me kwano wang jiri magi, ci ipeny Lubanga me lok kwedi ka iwoto kacel kwede iwot man me kwo manyen ni.

Jon 3:16

1 Korinti 15:3-4

Jo Epeco 1:4

Jo Epeco 2:8-9

1 Jon 1:9

1 Jon 5:1

1 Jon 4:14 -15

1 Jon 5:12-13

Peny Lubanga me knoyi wek inong kanica maber ma yee ikom lok pa Lubanga ki kome (Baibul onyo Jiri), wek ocuk cwinyi ki owek idong iwati ki Kristo. Lubanga tye kwedi ikare ducu, en bi teli mot mot ci nyuti kit me kwo, kwo mu pong ma en tye kwede pi in!

LOK I KOM LACOC



Joyce Meyer obedo ka pwoyo lok pa Lubanga nicakke i mwaka 1976; ka dong ma onongo tye iye calo latuc jiri kikome, nicakke i mwaka 1980.

En ocoyo buk madwong ma kato 70, dok bene. En aye ma pud dong lanyo, i cato buk pien dano gimaro bukke ducu.

Pol bukke, tye i kom cwayo cwiny dano i lok pa Lubanga; yenyo kor kuc; kit ma myero iwiny kwede pwoyo pa Lubanga; barlweny pi adam ki mukene madwong. En bene omako mukene i Casette, ma twero winye i Radio, nyo mukene ginyuttu i Television.

Joyce ki cware Dave kacel ki lutino gi angwen (4) gibedo i St. Louis Missouri.